

狀元圖考目錄卷之四

萬曆二十九年辛丑張以誠

直隸松江府青浦人

長樂郡
振錄西

萬曆三十二年甲辰楊守勤

浙江寧波府慈谿人

萬曆三十五年丁未黃士俊

廣東廣州府順德人

萬曆三十八年庚戌韓敬

浙江湖州府歸安人

萬曆四十一年癸丑周延儒

直隸常州府宜興人

萬曆四十四年丙辰錢士升

浙江嘉興府嘉善人

萬曆四十七年己未莊際昌

福建泉州府永春人

熹宗

卷四

天啟二年壬戌文震孟 直隸蘄州府長州人
天啟五年乙丑余 煌 浙江紹興府會稽人

懷宗

崇禎元年戊辰劉若宰 南直安慶府懷寧人
崇禎四年辛未陳于泰 南直常州府宜興人
崇禎七年甲戌劉理順 河南開封府杞縣人
崇禎十年丁丑劉同升 江西吉安府吉水人
崇禎十三年庚辰魏藻德 直隸應天府通州人
崇禎十六年癸未楊廷鑑 南直常州府武進人

大清狀元考

會元榜眼探花並載

世祖章皇帝

順治三年丙戌傅以漸 山東東昌府聊城縣人
順治四年丁亥呂 官 江南常州府武進縣人
順治六年己丑劉子壯 湖廣黃州府黃岡縣人
順治九年壬辰鄒忠倚 江南常州府無錫縣人
順治十二年乙未史大成 浙江寧波府鄞縣人
順治十五年戊戌孫承恩 江南蘄州府常熟縣人
順治十六年己亥徐元文 江南蘄州府崑山縣人

順治十八年辛丑馬世俊

江南江寧府溧陽縣人

今上

康熙三年甲辰嚴我斯

浙江湖州府歸安縣人

康熙六年丁未繆彤

江南蘄州府吳縣人

康熙九年庚戌蔡啓傳

浙江湖州府德清縣人

康熙十二年癸丑韓莖

江南蘄州府長洲縣人

康熙十五年丙辰彭定求

江南蘄州府長洲縣人

康熙十八年巳未歸允肅

江南蘄州府常熟縣人

康熙二十一年壬戌蔡升元

浙江湖州府德清縣人



狀元張以誠

萬曆二十九年辛丑

廷試許獬等三百人擢張以

誠第一

按以誠字君一號瀛海直隸青浦縣人自幼英敏日
誦數千言爲諸生時學院柯公閱其試卷云天下奇
才大廷獨對舍子其誰選貢南雍鄉薦魁京闈嘗讀
書雲間精舍夢身騎金牛有空中人呼曰長安春獨
早走馬看花歸盃金牛乃兆辛丑狀頭也至京會試
夢一角獸觸已已跨而上是科許獬會元已爲狀元



狀元楊守勤

萬曆三十二年甲辰 廷試楊守勤等三百人擢楊守勤第一

按守勤字克之號昆阜浙江慈谿人爲人曠達多大志每見題味云鄴架抽繡嫌日短吳鉤拂拭引杯長五陵俠氣輕裘馬三峽詞源倒玉霜嘗訪友于官嘆曰富貴吾所自有何以人爲其自負如此每試首選丁酉春夢元峰袁公招飲經會元及第牌坊頂上過抵袁宅遜之上座袁前丁酉鄉薦第二公後丁酉第

二將謂不驗今掇殿元視袁公探花果高出其右矣甲辰場前一日自夢舉聯元同袍置酒爲賀盡醉而罷及入場醉甚試日熟睡不醒夢有人推曰君可脫藁矣覺足下踰著一卷春秋蓋二名魯史也盡符其夢

狀元黃士俊

萬曆三十五年丁未


廷試施鳳來等三百人擢黃

士俊第一


按士俊字

號象南廣東順德人少負偉志抱奇

才尤敦孝悌蚤歲入泮督學許尚志公羨其文且貴其品屢試冠多士每以大魁期之年二十七領鄉薦赴京會試途中聞兄病篤嘆曰惡得急功名而緩吾兄哉遂速歸丙午冬北上將至京夢入殿庭拜高皇帝帝曰汝來耶今首用汝矣及廷試條對



稱 旨卷字精楷擢第一其夢果驗許公誠知人云
時年三十一




狀元韓敬

萬曆三十八年庚戌 廷試韓敬等三百人擢韓敬第一

按敬公字求仲號止脩浙江歸安人祖多隱德父大叅罔卿公宰盩德地產斷腸艸小民有睚眦輒自毒罔卿公命以芟薙代杖贖歲餘種遂絕官三十年未嘗逮一旄倪及女婦太夫人性篤孝事老姑備至姑疾革時謂婦事我盡孝當從冥司乞一狀元兒爲婦報比公初娠時太夫人夢日入室覺而晃然罔卿公

夢日月入懷而產公益日月兩圓卽兩元之兆公少穎敏過人讀書十行俱下性洒落不事生產里中或目攝之不屑也癸卯冬過廣德一友人先日夢張陽和公至詰朝公款門矣巳酉春公配沈園中多生並頭蒼忽睹紅綠二蝶如團扇巨飛集蒼間良久方去又閣中所存來段產翠條二尺許人以爲絕異春雷起自郡城文昌閣中但聞震聲不見損壞無何遊北雍舉秋試魁京輔罔卿公夢一羽衣捧若璽書者來謂曰而有德三姑以此舉償其一庚歲更償其二

當有加焉果聯掇大魁不爽公廷對條畝精詳作字
逼真古晉卷進 御時閣擬第三人
上拔寘第一及臚唱知與會試合
上自喜得人云時年三十一




狀元周延儒

萬曆四十二年癸丑 廷試周延儒等三百五十人
擢周延儒第一

按延儒公字玉繩號抑齋直隸宜興人宜興史孟麟
曰玉繩方舞象余與談藝輒雕龍繡虎甫齒學余與
談道又徹形上窺帝先已而以性道爲藝三吳士若
紳推爲秬林之冠冕玉繩之先有靜菴先生者王文
成高弟以性道木鐸吾義興祖太康公有文先鳴則
性道文學世其家從來遠矣其初生隔晚祖太康公

夢家中開大池又中百鳥會集門前豎大牌坊又上
武魁二大金字遂乳名武人曰武者大也果中大魁
旣而父夢徐文靖公語云第三令卽宜教之謙抑如
何在余前走徐中榜眼在前卽狀元矣遂定號曰抑
齋以文靜號謙齋故也中舉北上寓浦口陳店十房
素有邪祟卧不安寢聞有聲云會元狀元在此不可
驚鬧而父夢臂生兩翼飛到嵩華絕頂蓋子中兩元
父卽兩元也未中元時常夢出遊前擺瓜槌金燈遂
應公又臨場夢關帝送賀禮又金曰殿金蓋古有玉

殿傳金榜君恩賜狀頭之句應夢殿金二字卽殿元
之垂張延登曰余分校禮闈淇澳孫公知貢舉將放
榜之夕公坐假寐忽若有言者荆川先生在睨之見
緋耆而瞻東立者荆川也驚寤而榜適填第一則周
玉繩也荆川年少以前戊子舉南畿己丑會元玉繩
亦年少子且魁天下其後身耶



狀元錢士升


萬曆四十四年丙辰 廷試汪應元等三百五十人
擢錢士升第一

按士升公字抑之號御冷浙江嘉善人曾祖貞公奉
政大夫汝寧府同知祖吾仁公國子生父繼科公庠
生授鴻臚鄉飲大賓三世好行陰德真積善之家父
先夢宋狀元張九成至其家而公初生時背上隱隱
現一元字自幼穎異髫年遊泮試輒冠多士戊戌以
選貢廷試劉楚先公竒其才首拔之後因久厄公車

窮究堪輿家自爲其尊公營葬嘗語友人曰此殆可
致鼎甲顧予才德不副耳至乙卯舉北闈所營冢上
有異光亘照十餘丈竟月乃已未第之先至神農黃
帝廟祈夢夢見神帝以香鼎與之曰汝事業在此鼎
中其大夫人與夫人居晚間見空中有火成毬自
上而下墜天井中久之方散人謂祥光煥發調燮台
鼎之兆丙辰適劉公典南宮試先期夢上以金牌特
召之視其朱書則昔戊戌所首拔錢某也意必中大
魁而榜揭僅首龍腹深嘆息之比臚傳首天下始應

其夢并應前一夢云

生乙亥年巳卯月巳酉日巳巳時



狀元莊際昌

萬曆四十七年己未 廷試莊際昌等三百五十人
擢莊際昌第一

按際昌公原名夢岳字景悅號羨若福建泉州府永
春人生而岐嶷孩識之無初操觚時卽能椽筆立就
文不加點其德量渾如秋月寒江母嘗夢神龍吐二
珠以現第光耀而復晦如是者三吞而孕公鄉試第
九會試殿試俱第一其廷對因補數字當路有言故
脩省三年二珠卽二元之兆復晦卽脩省之兆也

嘗夢身騎兩頭青羊口誦子在陳曰忽焉在後二語
莫喻其意及是科首冠南宮連擢進士第一而榜眼
爲孔公貞運探花乃陳公子壯方悟兩頭羊乃己未
年連占兩首而孔陳在其後也夢徵之符何驗如此



狀元文震孟

天啓二年壬戌 廷試劉必達等四百人擢文震孟

第一

按震孟公字伯起號湛持南直隸長洲人初諱從鼎後易今名蚤負才望作字甚工不讓衡山公筆力聞其居京邸時嘗夢與文山先生面語蓋其系出廬陵或以天生人龍亦世德之佑啓耳文山公當宋運將頽之時未竟大用或于我

明中興之會呵護後裔大展徽猷以致太平之治耶

狀元余煌

天啓五年乙丑


廷試華琪芳等三百人擢余煌第

一

按余煌公字武貞號

浙江會稽人生而穎異氣

宇不凡甲子夏夜凭闌翫池荷見葉中光輝閃爍有
寸許魁星跳舞其上毛髮畢具心奇之起而祝曰果
屬瑞徵當現廣長像俄而漸大環繞騰空而去是科
遂大魁天下



狀元劉若宰

崇禎元年戊辰科

廷試曹

勲等二百五十八

人擢劉若宰第一

按若宰字

南直懷寧籍潛山縣人祖父有世德

至公臨試夢天神下仙樂齊鳴

狀元陳于泰

崇禎四年辛未

廷試吳偉業等三百五十人擢陳

于泰第一

按于泰公字大來直隸宜興人少時聰敏偶儻不羣
常以天下爲己任及殿試果大魁天下



狀元劉理順

崇禎七年甲戌

廷試李清等三百人擢劉理順第

一

按理順公字文理河南杞縣人爲人渾厚有德忠孝
性成在鄉在官人咸推重甲申城陷不欲以死強下
人乃曰我骨肉至親自宜全節汝等可分我所有各
尋活路衆泣願隨主往及聞變公從容酌酒與妻妾
子女奴婢共十八人皆死後賊至公寓嘆曰我素重
公今日來護持耳不料已死皆叩拜而去無不欽其



狀元劉同升

崇禎十年丁丑 廷試吳貞啓等三百人擢劉同升


第一

按同升號晉卿江西建昌府吉水縣人丁酉年四月初五日生父諱應秋以解元而擢鼎甲探花歷任至禮部侍郎生同升時夢神人語曰汝當得貴子名高二級兩授修撰後果中一甲一名授翰林院編修及大清定鼎後降補福建按察司知事壬午復授翰林院編修功名自有定數信不爽也

狀元魏藻德

崇禎十三年庚辰 廷試楊瓊芳等三百人擢魏藻德第一

按藻德號思令北直隸順天府通州人乙巳年五月十六日生祖諱茂係武畧將軍遇一神相驚賞曰看公尊相日後必有一好兒孫當大魁天下及生思令公果爲狀元及第



狀元楊廷鑑

崇禎十六年癸未

廷試陳名夏等三百人擢楊廷

鑑第一

按廷鑑號冰如南直隸常州府武進人癸丑年十月二十七日生父諱啓謨邑庠生爲人端方博學爲鄉里所推重於廷鑑對策夜夢子同多人赴宴會到遲而筵已將散一人云來遲只好飲三杯後果應改革不顯之兆

大清狀元考

並載會元榜眼探花

世祖章皇帝

順治三年丙戌科

會元李奭棠

狀元傅以漸字于盤號星巖山東東昌府聊城縣人父諱思敬乙酉鄉試第八名會試第九十五名殿試授弘文院修撰戊戌科欽命總裁陞內翰林國史院大學士加一級

榜眼呂纘祖號修祉北直河間府滄州人父諱訪辛

酉鄉試第六十七名會試第三名殿試授秘書院編修己丑陞國子監司業

探花龔棠號貳公北直順天府大典縣人父諱方懋
丁卯鄉試第三十七名會試一名殿試授內國史院編修陞國子監司業

順治四年丁亥科

會元李人龍號震陽北直河間府滄州人父諱生色
丁卯鄉試第三十八名殿試三甲第二百一名授江南定遠縣知縣

狀元呂宮號長音江南常州府武進縣人父諱雲
鄉試九十五名會試四十三名殿試授秘書院修撰

榜眼程芳朝號其相江南安慶府桐城縣人父諱應
道鄉試第一百三十八名會試第一百十五名殿試授國史院編修

探花蔣超號虎臣鎮江府金壇縣人父鳴玉歷任
東道乙酉鄉試六十二名會試七十一名殿試授弘文院編修

順治六年己丑科

會元左敬祖號念源北直河間府河間縣人鄉試第
十一名殿試二甲第十名授翰林院漢字庶吉士
壬辰陞編修

狀元劉子壯號稚川湖廣黃州府黃岡藉江西清江
縣人父諱紹賢庚午鄉試第四十三名會試第十
九名殿試授國史院修撰

榜眼熊伯龍號鍾陵湖廣漢陽府漢陽縣人父諱鳴
盛辛酉舉人戊子鄉試第十八名會試第九名殿

試授弘文院編修

探花張天植號蘧林浙江嘉興府秀水縣人父諱萬
壽仕知州丙戌鄉試第九十八名會試第二百八
十五名殿試授秘書院編修

順治九年壬辰科

會元張星瑞號雲方江南常州府無錫縣人父諱允
廸壬午鄉試第九十名殿試三甲第四十八名授
浙江金華府理刑

狀元鄒忠倚號于度江南常州府無錫縣人父諱允

金庚午舉人壬午鄉試第十名會試第一百七十
七名殿試授弘文院修撰

榜眼張永祺號爾成北直順天府大興縣人鄉試第
三十七名會試第一百十名殿試授弘文院編修
探花沈荃號繹堂江南松江府華亭縣人父諱紹曾
辛卯鄉試第一百二名會試第一百四十六名殿
試授翰林院檢討陞編修

順治十二年乙未科

會元秦鈺

狀元史大成號及超浙江寧波府鄞縣人父諱起揚
甲午鄉試第七名會試第一百八十八名殿試授弘
文院修撰歷任至 部侍郎

榜眼戴王綸號彬極北直河間府滄州人父明說歷
任戶部尚書戊子鄉試第五名會試第一百九十
二名殿試授秘書院編修

探花秦鈺號克繩江南蘄州府無錫縣人父諱重采
戊子鄉試第四十名會試第一名殿試授內翰林
國史院編修

順治十五年戊戌科

會元張貞生號瑤山江西吉安府廬陵縣人父諱其
完甲午鄉試第五十八名殿試二甲第六十五名
授翰林院庶吉士

狀元孫承恩號扶桑江南蘄州府常熟縣人父諱朝
翼甲午鄉試第四名會試第四名殿試授國史院
修撰

榜眼孫一致號惟一江南淮安府鹽城縣人父諱助
甲午鄉試第三十一名會試第八十名殿試授弘

文院編修

探花吳國對號默巖江南廬州府全椒縣人父諱沛
崇祀鄉賢順天甲午鄉試第二十二名會試第一
百三十八名殿試授秘書院編修歷任北直學院
順治十六年己亥科

會元朱錦號岵思江南松江府上海縣人父諱維道
辛卯鄉試第四十九名殿試二甲第六十七名授
翰林院庶吉士

狀元徐元文號立齋江南蘇州府崑山藉長洲縣人

父諱開法甲午鄉試第十二名會試第九十一名
殿試授翰林院修撰歷任都察院左都御史

榜眼華亦祥號綾長江南常州府無錫藉長洲人父
諱敷施丁酉鄉試第一百十三名會試第七十一
名殿試授翰林院編修

探花葉方藹號訶菴江南蘇州府崑山縣人父諱重
華歷任太常寺少卿丁酉鄉試第九十五名會試
第一百七名殿試授翰林院編修歷任禮部侍郎
順治十八年辛丑科

會元陳常夏號鐵山福建漳州府南靖縣人父諱思
仁辛卯鄉試第二十八名殿試三甲第一百三十
八名

狀元馬世俊號野臣江南江寧府溧陽縣人父諱廷
俊丁酉鄉試第四十六名會試第二百九十五名
殿試授翰林院修撰甲辰陞內弘文院侍讀

榜眼李仙根號子靜四川保寧府遂寧縣人父諱實
任長洲知縣甲午鄉試第二十八名會試第二百
五十二名殿試授弘文院編修

探花吳光號長庚浙江湖州府歸安縣人父諱景旭
甲午鄉試第三十八名會試第一百九十八名殿
試授翰林院編修

今上

康熙三年甲辰科

會元沈珩號耿碧浙江杭州府海寧縣人父諱兆廣
庚子鄉試第十八名殿試二甲第一名

狀元嚴我斯號存菴浙江湖州府歸安縣人父諱慧
隆辛丑科中式甲辰補殿試一甲第一名授秘書

院修撰歷陞侍讀學士詹事府詹事

榜眼李元振號貞孟河南歸德府柘城縣人父諱艷

茲庚子鄉試第四十六名辛丑會試第一百三十

九名補殿試一甲第二名授弘文院編修

探花秦弘

本姓周

號緘齋江南常州府無錫縣人父諱

公謨癸卯鄉試第九名會試第一百七名殿試授

國史院編修

康熙六年丁未科

會元黃初緒號雪筠江南蘇州府崇明縣人父諱道

立癸卯鄉試第七十九名殿試二甲第三十九名
狀元繆彤號念齋江南蘇州府吳縣人父諱慧隆丁
酉順天鄉試第一百四十四名會試第三十六名
殿試授秘書院修撰

榜眼張玉裁號禮存江南鎮江府丹徒縣人父諱九
徵歷任河南提學道丙午順天鄉試第十五名會
試第二十九名殿試授國史院編修

探花董訥號默菴山東濟南府平原縣人父諱允禎
丙午鄉試第十七名會試第一百二十五名殿試

授翰林院編修

康熙九年庚戌科

會元宮夢仁號定菴北直河間府靜海藉泰州人父
諱偉鏐翰林院檢討己酉鄉試三十四名癸丑殿
試三甲第五名授翰林院庶吉士

狀元蔡啓傅號崑賜浙江湖州府德清縣人父諱奕
琛歷任禮部尚書甲午鄉試第一百十一名會試
第二百五名殿試授內秘書院修撰

榜眼孫在豐號岷瞻浙江湖州府德清縣人父諱焯

癸卯鄉試第二十三名會試第一百六十八名殿
試授國史院編修癸丑陞經筵侍講

探花徐乾學號健菴江南蘇州府崑山縣人父諱開
法庚子鄉試第三十六名會試第五十二名殿試
授弘文院編修

康熙十二年癸丑科

會元韓菼號元少江南蘇州府長洲縣人父諱昉壬
子鄉試第十六名殿試一甲第一名狀元授翰林
院修撰

狀元卽韓菼

榜眼王鴻緒號儼齋江南松江府婁縣人鄉試第
名會試第四名殿試授翰林院編修

探花徐秉義號彥和江南蘇州府崑山縣人父諱開
法己酉鄉試第四十五名會試第二名殿試授翰
林院編修

康熙十五年丙辰科

會元彭定求號訪濂江南蘇州府長洲縣人父諱瓏
任廣東長寧知縣壬子鄉試第二十二名殿試一

甲第一名狀元授翰林院修撰

狀元卽彭定求

榜眼胡會恩號孟綸浙江湖州府德清縣人父諱麒
生歷任兵部主事壬子鄉試第四十三名會試第
五十五名殿試授翰林院編修

探花翁叔元號鐵菴北直永平府永平衛藉常熟縣
人父諱毓若壬子鄉試第二十四名會試第六名
殿試授翰林院編修

康熙十八年己未科

會元馬教思號檀石江南安慶府桐城縣人父諱之
英歷任兵部督捕主事戊午鄉試第七名殿試二
甲第八名授翰林院庶吉士

狀元歸允肅號惺崖江南蘇州府常熟縣人父諱起
先歷任刑部主事癸卯鄉試第二十四名會試第
四十六名殿試授翰林院修撰

榜眼孫卓號予立江南寧國府宣城縣人父諱襄歷
任吏科都給事中丁巳鄉試第十六名會試第六
十一名殿試授翰林院編修

探花茆薦馨號一峯浙江湖州府長興縣人父諱週
知壬子鄉試第三十二名會試第二十三名殿試
授翰林院編修

康熙二十一年壬子科

會元金德嘉號會公湖廣黃州府廣濟人父諱

庚子鄉試第 名殿試授翰林院庶吉士

狀元蔡升元號方麓浙江湖州府德清人父諱啟晟
辛酉鄉試第五十二名會試第五十二名殿試授翰
林院修撰

榜眼吳涵號容大浙江嘉興府石門縣人父諱

乙卯鄉試第十五名會試第四十八名殿試授翰
林院編修

探花彭寧求號文洽江南蘇州府長洲縣人父諱瓊

丁巳鄉試第十二名會試第一百三十九名殿試
授翰林院編修

及第謝恩表

吳寬

稽古右文喜值豐亨之運設科取士欲求踈遠之才
自前代以來逮我

朝而盛布帛菽粟渾然猶三代之言月露風雲陋矣
非六朝之體辭達而已文在于茲盖必先擇于有司
夫然後獻之

天子是惟

聖祖敷求之意至于

文孫恪守而行禮意加隆人文益著如臣等性殊朴

魯學本空踈呻吟咭畢之間以歲以月游息範圍之內如天如淵久蒙作養之恩並與甄收之數食芹而美惟懷一獻之素心采菲不遺遽辱九重之清問榮隨寵至感與愧并茲益伏遇

皇帝陛下稟上智之資居大君之位唐堯之德化不識而不知虞舜之聰明好問而好察惟末學幸遇乎大有作爲之主故直言德行于無所忌諱之時爰題金榜之名載錫瓊林之宴維其階矣方正席以捫心何以予之忽在筭而被體儀文稠疊顏面忸怩其何德以當皆不求而至臣等方受寵遇相與告言一飯不忘豈獨報以國士寸心自誓庶無忝于賢科再期聖德之益崇永保天休之滋至

又

舒芬

伏以書獻賢能方待公車之詔言揚敷奏遽登天府之名褒然達漸之高倏爾泥蟠之隔遭逢過分忻忭奚勝茲益伏遇

皇帝陛下泰運大來謙光下逮覩人文化成天下賁飾匪崇升

聖治宜照日中豐亨永保合宮衢室百僚方慶于師
師玉陛丹墀一士不遺于誇誇雖則細流寸壤諒無
補于高深然而葑體芹心敢自羞于側陋各陳膚見
庸助多聞聽徹堯聰幸面陳于諷諫明分舜日勞手
筆以標題臚句聲傳雲外簫韶並下恩袍動色禁中
草木同輝京兆引騶儀曹致享衣冠在笥鏹幣分珍
禮數便蕃知儀文之從舊

聖情咨眷感

寵遇之維新臣等樗櫟庸材駑駘下質荷此難酬之
大造思捐已獻之微軀德業相期共保終身之遇忠
貞自守寧忘始進之心

又

諸大綬

聖主當陽啓天下文明之運皇圖永泰應日中盛大
之符昌期允慶于遭逢榮寵實逾乎意望恭遇

皇帝陛下堯仁廣覆舜哲周知壽考作人多士悉歸
于造就中和建極兆民允賴于生成謂天工須代以
人循制科而取士念國是必稽于衆賜

清問以求言元首股肱昭示相資之義臣隣疏附爰

興克聖之恩顧芻蕘何益于知能而葑菲誤蒙于采
錄親題甲第渙發臚傳筵跡彤墀幸對北辰之近標
名金榜忻聯東壁之輝

命京兆以送歸啓春曹而賜宴冠袍特賜寵分在笥
之玲鏗楮均頒恭拜

自天之錫撫膺感激荷

恩禮之維隆稽首稱揚愧名言之莫罄臣等敢不率
循幼學砥礪初心勿諱勿欺奉

照臨于日月爲忠爲孝酬

化育于乾坤伏願

聖壽益增無唐虞而立極

乾綱總覽御普率以承天賢俊彙征四海戴無前之
治明良相慶萬年歌有道之長

又

丁士美

奎曜天開萬國仰文明之象乾符

聖握一人操制作之權荷

大造以兼容愧凡材之並錄茲益伏遇

皇帝陛下道備君師德侔天地

尊臨華夏普六合以咸寧

仁育黎元無一夫之不獲至敬恒持於夙夜淵衷每
勅于時幾

神聖獨隆猶切求賢之念雍熙允洽尚勤望治之心
爰降

絲綸下詢帟布圖用人理財之大要迓祈天未命之
洪休自分芻蕘曷克對揚

明命豈期葑菲猥蒙次第恩榮際會風雲共慶泰交
之盛沾濡雨露叨承晉錫之蕃京兆送歸南宮錫宴

冠袍特賜出尚方玲襲之奇楮鏹均頒布內帑寶元
之富臣等仰

龍宸而戴德極知覆載之難名越鵷列以觀光何干
照臨之孔邇敢不勉行幼學誓勵初心期不負于登
延庶少申于報荅伏願

建中三極介福萬年文運與國運而並隆地久天長
永撫亨昌之祚臣心體

君心而共濟景從雲附載賡

喜起之歌

終

上海圖書館藏
印

